



we get monawaaaaaaaaaaaaaaa hirikki miinwaya













## HARANGVE

PRONONCEE PAR

Monsieur l'Acheuesque de Lion, à l'ouverture des Estats tenus à Paris, en la sale du petit Bourbon, le vingtsixiesme d'Octobre, 1614.

M. D. C. XV.

39 .386

1615 ma

THE NEWBORRY



HARANGUE PROnoncée par Monsieur l'Archeuesque de Lion, à l'ouuerture des Estats tenus à Paris, en la Salle du petit Bourbon, le 26. iour d'Octobre, 1614.

## IRE,

La felicité de ce fiecle à commencé par vostre naissance, elle s'est renouuellée à vostre regne,& vostre Majorité en à asseuré la duree, remarque du temps si salutaire qu'elle porte nos esprits au delà du temps, & nous oblige d'adorer l'eternelle prouidence de Dieu qui là ainsi ordonné pour faire cognoistre qu'il vous a mis au monde, affin que vous en soyez l'exemple, la gloire de ceste Couronne, le soulagement & les delices de

vos peuples.

Les labeurs heroicques de HENRY LE GRAND vostre Pere, la sagesse incomparable de la Reine vostre Mere, & vos propres vertus, ont seruy de cause seconde a nostre bien. Ce grand Prince d'immortelle memoire à fondé la tranquilité, destruit la diuisió, releué la dignité & la splendeur ancienne de la France.

Au coucher deplorable de ce Soleil, ceste Auguste Prin-

cesse vostre mere, parsamagnanimité estonna le mal-heur, d'estourna l'orage, & dissipa tous les nuages & les broüillars qui en d'autres minoritez auoient troublé & obscurcy le Ciel de cest estat, qu'elle a depuis maintenu en paix & tranquilité au dedans, en a conserué & accreu la reputation au dehors, ses louanges passent nos discours, & sa prudence merite le mesme esloge qu'vne grande lumiere de l'Eglise à donné au courage de Debora, vne vefue gouuerne heureusement les peuples, vne vefue enuoye les armées, vne vefue choisis les Cappitaines, vne vefue marche en capagne, vne vefue ordonne les triophes.

Le Ciel qui l'a opposée a nostre malheur, & qui nous là dónee par l'heureuse naissance & excellente nourriture de vostre Majesté, luy face voir tres-longues années, la prosperité de vostre personne, & de vostreestat, & vostre regne fortissié, de la continuation de ses conseils, & du bon-heur de sa presence, produise les merueilles que le monde attend de ses genereuses inclinations que vous auez atoutes les vertus.

La piete est la premiere, aussi est-ce le sondement de toutes les autres, c'est la gloire des Roys, c'est le rampart de leurs estats, en vous elle est desia en sa sleur, le fruict qu'elle promet remplist nos cœurs d'alegresse,

& nous asseure que tant qu'elle demeurera en vostre ameRoy. alle, la felicité demeurera en vostre Monarchie. Elle l'a fait durer plus qu'aucune autre, la renduë florissante & victorieuse, toute la terre à admire le zele des Roys tres-Chrestiens, au seruice de Dieu, & à la protection de l'Eglise, vous en estes, SIRE, le premier fils, & les Prelats & autres Ecclesiasticques, dont est composé le Clergé de vostre Royaume, representé par ce grand & honnorable nombre de Deputez qui sont icy, & qui m'ont chargé de vous faire ce tres-humble remercyment. Ce sont les dispésareurs de ses sacremens & de ses misteres, pasteurs de la bergerie de Dieu, interpretes de ses oracles. Nous auons les tables de la loy pour enseigner aux peuples la crainte de Dieu & l'obeissance du Roy, la verge pour les conduire, la manne

pour les nourrir.

Tels que nous sommes, SI-RE, nous sommes vos treshumbles & obeissans subjects, qui ayant l'honneur d'estre les premiers entre lesordres de vostre Royaume, ne serons iamais deuancez en la pureté de l'affection, en la constance de la fidelité, & au merite de l'obeissance que nous deuons à vostre Majesté; nous sommes nez auec ce debuoir, & vos merites en accroissent tous les iours l'obligation. Car la pure9

té auec la quelle vous adorez & seruez Dieu, attire des-ja mille benedictions sur vous, & sur nous, pour l'amour de vous. La felicité d'Auguste est la felicité de l'Empire. La felicité du Roy sert de Ciel au Royaume, comme le Nil à l'Egipte. Des peuples anciens exigeoient de leur Prince la prosperité, comme chose, disoient-ils, que bien faisant il leur pouuoit obtenir du Ciel, iamais Rome ne sceut honnorer d'auantage les Empereurs qu'en s'attribuat à leur vertu la felicité de leur siecle.

Ceste pieté, (SIRE) accópagnée de felicité, secondée de la prudence, nous fait esperer que ceste assemblée conuocquée par vostre commandement reissira à la gloire de Dieu, a l'exaltation de son E-glise, au seruice de vostre Majesté, au bien de cest estat, à ces points ausquels nous auons dressé nos intentions. Nous reduirons aussi le cahier de nos remonstrances que nous tiendrons prest le plustost qu'il nous sera possible pour le presenter à vostre Majesté.

Laquelle ne pouvoit entrer dans les années de sa Majorité, soubs les plus heureux auspices pour aller au devant de tout ce qui pourroit à l'aduenir troubler la felicité, de laquelle en naissant vous fustes obligé à ce siecle. Car vostre Royalle authorité applicquée auec effect aux plaintes & supplications

des Estats, sera vn baulme tresexcellent, dont l'odeur & la fragance féra courir & redoubler l'amour & l'obeissance de vos subjects, & la vertu guerira & consolidera toutes les playes & blesseures que les troubles & desordres passez ont laissé encor en vostre Estar. La saison ne fust iamais si oportune à bien faire, car Dieu mercy ceste assemblée n'est pas comme ont esté quasi toutes les precedentes, vn remede necessaire à la violence d'vn grand & pefant mal. C'est plustost vir bon vent qui arriue à vne douce & tranquille nauigation, adjoustant les effects à l'espérance, la constance au bon-heut, & la

seureté au repos, 5; .....

Les parolles nous manquent pour exprimer le contentemét & le ressentiment que nous auons de ce bien. Beaucoup moins sont-elles capables de rendre les graces tref-humbles que nous en deuons à vostre Maiesté. Il faut que nostre silence parle, que nostre humilitéremercie. Nous vous supplions tres-humblement, SI-RE, iuger de nos parolles par la veritable affection de nos cœurs, comme en iuge Dieu Tout-puissant, duquel vous estes vne image viuante. Et non pas de nos cœurs par la foiblesse de nos parolles, comme en iugent les hommes, nous ne

respirons que vostre seruice, ne souhaittons que vostre contentement, & vostre gradeur, en nous l'ardeur de ceste deuotion ne s'esteindra iamais, le témps ne fera que renslamer, l'Eglise ne sçait que c'est d'inconstance, c'est l'espouse du fils de Dieu, elle à la Lune sous les pieds. Et son espoux estant l'autheur des iustes & legitimes dominations, comme est la vostre, & ayant commandé aux subiects d'aymer, honnorer & obeir leur Roy, receura pour sacrifice agreable les vœux & prieres tres-ardentes que nous luy faisons, & ferons tous les iours de nos vies, auec tout l'effort de nos cœurs, auec toute l'affection de nos ames,

qu'il luy plaise espancher abondamment ses graces sur vostre Maiesté: Que vous soyez le plus religieux, le plus iuste, & plus victorieux Prince qu'aye iamais veu le Soleil, que tous vos subiects vnis au giron de l'Église par l'exemple de vo-stre pieté, & tout l'Orient vaincu & dompté par vos armées, vous remettiez la saincte & triomphante Croix sur les murailles de Hierusalem. Que chery du Ciel & honnoré du monde vous voyez heureusement fermer ce siecle, qui s'est ouvert à vostre naissance. Et qu'en fin à tant de Couronnes quiauront orné vostre chefen terre, vous adioustiez celle de

15

les Charlemaignes, les Clouis, les Charlemaignes, les Roberts, & les Louys vos preceffeurs, & qui est preparée dans le Ciel à tous les Princes qui en leur vie aurons aymé l'Eglise, auront honnoré la religion, & la pieté.

FIN.

The state of the s Charlen armous to Ohm & the Charles super . That he we berray At - I to prospersor ends o'And to Reion at educat - logal Langerdone strain รริงกับได้โดยประเทศที่สารสาย











